

登州府志

增修登州府志卷之七

營建

城池

登州府蓬萊縣附郭唐於蓬萊鎮南一里立登州治

并改鎮為縣此建城之始宋元皆因其舊

東門即望仙門

明初升州為府并立衛遂拓而大之

舊南門在上水門西遺蹟

猶存周九里高三丈五尺厚二丈皆甃石門四東曰

春生南曰朝天西曰迎恩北曰鎮海樓七鋪五十

六池闊二丈深一丈水門三南曰上水門黑水密

增修登州府志

卷七

城池

水所入東曰小水門密分水所入西北曰下水門

三水合流而出明洪武間指揮謝觀

通志作規

戚斌永

樂間指揮王宏相繼修之萬厯間倭犯朝鮮增築

敵臺二十八崇禎間知府桂輅戴憲明先後增高

三尺五寸

國朝乾隆五十八年知縣安奎文請

帑重修道光二十年知縣王文燾勸捐興修咸豐

九年知府汪承鏞勸捐修南北城樓十一年知府

戴肇辰倡捐重修四城及東西城樓一律完整同

治四年秋雨舊牆間有坍塌知縣馮澍勸捐修葺

九年知縣彭九齡繼之工始竣光緒五年知府賈瑚知縣王朝穀江瑞采復修東南二城樓及殘缺處

水城在城北與大城相連卽宋之刀魚寨明洪武九年設登州衛置海船運遼東軍需指揮謝觀以河口淺隘奏議挑濬繞以土城北砌水門引海入城名新開口南設關禁以譏往來後因備倭立帥府於此名備倭城周三里許高三丈五尺厚一丈一尺西北跨山東南瀕河南一門曰振揚樓鋪共

增修登州府志

卷七

城池

二

二十六萬歷二十四年總兵李承勳甃以甃石增敵臺三知府徐應元復修之崇禎十一年知府陳鍾盛同知來臨增修 國朝乾隆五十八年知縣安奎文請帑重修道光二十年知縣王文燾同治元年知府常筠知縣周毓南光緒元年知縣鄭錫鴻相繼勸捐修葺

沙城在城東北海濱道光二十一年知縣王文燾勸民創築以護大城分八段長里餘

黃縣漢縣治在縣東南唐先天元年改建於黃冠村

卽此本土城周六里明洪武五年千戶韋勝因遼  
闊難守割去北半改築之周二里有奇高二丈四  
尺厚二丈門四東曰正東南曰朝景西曰振武北  
曰鎮海池闊二丈四尺深八尺正德十一年知縣  
周涇因絳水侵城於東北隅築月城並作水門洩  
之嘉靖二十二年知縣賈璋重修萬曆二十一年  
知縣張彙選改築石城增高八尺增厚一丈建西  
北二門甕城甕城門東曰寅賓南曰環  
翠西曰迎宣北曰澄清樓七敵臺  
二鋪二十六崇禎十三年邑紳范復粹題請重修

增修登州府志

卷七

城池

三

知縣任中麟繼之增高三尺并建東南二門甕城

甕城門四東曰寅賓改光表南曰環翠改朝陽西曰迎宣北曰澄清增敵臺十樓十

鋪三十四礮臺九 國朝康熙十一年知縣李蕃

乾隆十八年知縣袁中立嘉慶二年知縣陳煒道  
光九年知縣孫陳謨各重修

土圩在城外咸豐十一年知縣何亨九勸捐創築  
同治七年知縣彭九齡勸捐改築周十里餘高一  
丈五尺厚一丈四尺礮門一百二十六門樓四

福山縣金天會中僞齊劉豫置縣建土城明洪武四

年千戶劉能九年千戶吳貴各修葺永樂九年千戶周玘甃以甃石并建城樓門三東曰鎮靜西曰義勇南曰平定周三里高三丈厚一丈池闊一丈五尺深八尺宣德間千戶王海天順間千戶王鈺宏治十五年知縣應珊千戶王麒萬曆六年知縣華岱千戶盧汝弼各重修十九年知縣張所修增敵臺數處四十二年知縣傅春重修四十二年知縣宋大奎竟其事崇禎五年知縣朱國梓以東面臨河於西北南三面濬濠十年知縣周翼龍建礮

增修登州府志

卷七

城池

四

臺八 國朝雍正十三年知縣程大模乾隆二十七年知縣何樂善各增修道光二十一年知縣史麟書倡捐重修同治六年知縣吳恩榮勸捐復修七年知縣趙敏功繼之增礮臺八

棲霞縣金天會中僞齊劉豫置縣建土城明成化六年知縣婁鑑增修嘉靖三十七年知縣李揆改築石城萬曆六年知縣鮑霖始竟其事周三里許高一丈八尺厚七尺門四東曰寅賓西曰迎恩南曰環翠北曰迎仙樓四鋪三城阻山石池不可鑿南

帶河水爲城患十年築石隄護之二十五年知縣  
鮑紋建北門甕城并敵臺八天啟七年甕城圯崇  
禎十二年知縣鍾其偉增高三尺並建角臺四  
國朝順治五年知府張尚賢知縣金本重重修又  
增高二尺嘉慶二十一年秋大水城牆坍塌道光  
二十年知縣關世相始勸捐修之二十七年知縣  
方傳植增築大隄以捍山水向例修城派各社按  
戶均攤咸豐三年知縣趙開元力革其弊遂倡捐  
修築同治二年知縣姜顯謨勸捐重修紳耆公請  
增修登州府志

卷七 城池

五

仍分社認修六年知縣王德功復修之

招遠縣金天會中僞齊劉豫置縣建土城元末毀於  
兵明洪武三年知縣王明善重建正德六年知縣  
申良增修周二里有奇高二丈四尺厚一丈二尺  
門三東曰盥泉南曰通仙北曰望海嘉靖二年知  
縣羅錦增修闕東南門曰雲路樓四鋪四池闊一  
丈二尺深一丈萬曆五年知縣田九邱始甃以甌  
石鑿城西北橫石引水環之又作石閘於濠四隅  
以資蓄洩崇禎十一年知縣屈允元修城樓 國

朝乾隆二十八年知縣劉朝宗重修各社按戶出  
貲而城中不與遂爲成規同治四年知縣周濤仍  
集各社捐修

萊陽縣本爲昌陽城晉元康八年建隋大業初遷於  
縣東南唐永徽初復遷於此舊土城周六里高一  
丈八尺闊一丈二尺明洪武三十一年指揮鄧青  
正統五年知縣郭敏宏治二年知縣吳昂各重修  
正德十四年知縣司迪改甃以甃增敵臺八門四  
東曰望石南曰迎和西曰太平北曰旌旗池闊一

增修登州府志

卷七

城池

六

丈五尺深八尺嘉靖三十四年知縣牛山木崇禎  
十六年推官胡守德知縣關捷先各重修 國朝  
乾隆三十七年議定分段攤派各社隨時修築嘉  
慶十二年又按畝攤捐縣民馬瑞積以苛派京控  
後竟停工道光二十四年知縣李鏞修葺二十五  
年知縣張涵繼之工費皆作爲流攤歸款

寧海州金大定二十二年置州於此舊土城明洪武  
十年指揮陳德甃以甃石周九里高三丈二尺厚  
二丈門四東曰建武今改集慶西曰奉恩南曰順

正北曰鎮海樓鋪二十八池闊三丈二尺深九尺  
宏治初知州孫裕指揮王鎮正德七年知州章諤  
嘉靖二十六年知州李光先各重修萬曆二十年  
知州陳善浚池二十二年知州張以翔指揮胡來  
貢重修并建角樓及敵臺十二三十九年知州王  
以仁崇禎間知州李鳴環各重修 國朝康熙十  
一年知州楊引祚修葺乾隆三十年知州勒善撤  
輒爲石嘉慶十四年知州胡道垠請帑并捐廉重  
修同治二年知州舒孔安勸捐修之

增修登州府志

卷七

城池

七

文登縣北齊天統四年置縣於此舊土城明洪武三  
年萊州鎮撫韓登知縣張鳳重修周四里餘高二  
丈五尺厚一丈門三東曰望海南曰新建西曰崑  
崙樓鋪十五池闊三丈深八尺嘉靖閒知縣胡景  
華張先相繼修之萬曆八年知府劉自化議甃以  
石知縣郭包田繼之增高五尺十四年知縣李需  
光復修 國朝康熙四十一年知縣佟國龍道光  
二十年知縣歐文咸豐六年知縣趙敏功同治四  
年知縣陳汝楫各勸捐重修



威海司城在縣東北九十里明洪武三十一年立  
衛建甌城周六里有奇門四樓鋪二十 國朝雍  
正十三年裁衛改設巡檢司

靖海司城在縣南一百二十里明洪武三十一年  
立衛建石城周五里餘門四後塞西門樓鋪二十  
九 國朝雍正十三年裁衛改設巡檢司

榮成縣本成山衛明洪武三十一年立建石城周六  
里餘高二丈八尺厚二丈門四東曰永泰西曰迎  
恩今改天順南曰鎮遠今改文興北曰武甯樓鋪

增修登州府志

卷七

城池

八

二十四池闊一丈五尺深一丈崇禎十二年文登  
知縣韓士俊教諭臺爾瞻成山衛指揮唐文焯姬  
肇年重修 國朝雍正十三年改衛爲縣知縣羅  
克昌領帑重修乾隆五十五年知縣李遴春領帑  
復修道光二十年知縣李天隲勸捐修葺二十七  
年知縣唐芝榮重修工費作爲流攤歸款咸豐二  
年知縣石用熙同治五年知縣張道南孫禧各勸  
捐重修

海陽縣本大嵩衛明洪武三十一年立建甌城周八

里高一丈九尺厚一丈五尺門四東曰永安西曰甯德南曰迎恩北曰鎮海今改朔清樓鋪二十八池闊八尺深一丈 國朝雍正十三年改衛爲縣乾隆三年知縣包桂領帑重修嘉慶二十三年秋大雨牆塌至道光二十年知縣朱家學始勸捐修葺咸豐十一年知縣倉景長復修之同治四年知縣李琛勸捐興修五年知縣陳本立六年知縣恆豐繼之始竣

